



7. september 2007

Inatsisartut Suleriaasissaanni § 36 imm. 1 naapertorlugu apeqqutit uku Naalakkersuisunut apeqquti-gaakka:

**Naalakkersuisunut apeqqutit Sisimiut eqqaani Ikertuup paavata avataani saattuarniarnerup ammaqinnera pillugu.**

(Inatsisartunut ilaasortaq Jens B. Frederiksen, Demokraatit)

Kingumut taama pisoqaqqippoq.

Qassissaanik pinerpoq Finn Karlsen Aalisarnermut, Piniarnermut Nunalerinermullu Naalakkersui-suutillugu biologit innersuussutigisaat malinneqanngillat.

Maanna Naalakkersuisoq pineqartoq Ikertuup paavata avataani saattuarniarneq ammaqinniarlugu toqqarsimavaa. Ilaannikkut Finn Karlsen pissuserissaariaraangami inuiaqatigiit aalajangiussani qu-larnartut pillugit kalerrittarpai. Tamanna pisarsimavoq soorlu imatut nipilimmik, Finn Karlsenip pi-niartut biologininngarnit upperinerugai.

Pissuserissaarneq taamaattoq Naalakkersuisup ajoraluartumik maannakkut pisumi atunngilaa. Tusa-gassiutitut nalunaarummi ammaqinnermik kalerriisumi aalajangernermut tunngavilersuummik sumininnguamilluunniit ersittoqanngilaq.

Taamaattumik partiimi biologiskiusumik attassisinnaassusermik assut pingaartitsisumi naalakker-suisuusutut allatut sapernartumik tunngavilersuutit Naalakkersuisumit pinngitsaalillugulusooq pi-niarniarpakka Naalakkersuisunut apeqqutit uku apeqqutiginerisigut.

1. Ikertuup paavata avataani saattuarniarnerup ammaqinneranut tunngaviusoq sunaava?
2. Ikertuup paavata avataani saattuarniarnerup ammaqinneranut Naalakkersuisut tamarmiusut isumaqataappat?
3. Apersorneqarneq [www.sermitsiaq.gl](http://www.sermitsiaq.gl)-mi ittoq naapertorlugu Pinngortitaleriffimmi ilisima-tuup saattuarniarnerup ammaqinnera tulluanngitsoq aalajangiusimajuarsinnarpaa. Suna pis-sutigalugu Naalakkersuisut innersuussut taanna malinniarnagu toqqarsimavaat?
4. Aalisarnerup piniarnerullu iluani Naalakkersuisut biologit innersuussutaannik allanik itigar-titsissallutik atuuttunik pilersaaruteqarnerlutik?
5. Naalakkersuisut allanik suliamut soqutiginaateqarsinnaasunik kalerriussassaqarnerlutik?

Apeqqutit ullut suliffiusut qulit ingerlaneranni akeqquneqarput.